

2 Jon

Nauəuə iətəm tatol keiu lan iətəm Jon təmətei

Nəghatiən əkuəkır rəha nauəuə u 2 Jon

?Pəh təmətei nauəuə u? Aposil Jon təmətei nauəuə u.

?Təmətei tatuvən kəm pəh? Təmətei tatuvən kəm pətan kəti rəha niməfaki. Mətəu nəmə təhro nəghatiən u “pətan,” nıpətin təni məmə niməfaki kəti. Kəni “nənətin mın,” ilah nətəmimi rəha niməfaki. Jon təmətei nəghatiən mın əha, təhmen e nəghatiən kəti tətəhluaig. Təsolkəikeiən məmə otəni pətigəm nərgin mətəu-inu, kol mətə nətəmimi nəuvein kotol nolian tərəh e lah.

?Natigian təhro lanu nian təmətei? E nian əha, nəgətun mın tepət kəutaliuək e ikin pisin pisin mın. Nətəmimi nətəm kəmotətəu nəghatiən rəhalah kinotəfən nauəniən kəm lah. Kəni motəfən ikin mın rəha napilian, kəni məutasiru e lah. Mətəu nəgətun eiue mın kəutəhuvən əpnapin mın o niuvi rəkisiən nətəmimi rəha niməfaki məmə okotəpəh nəghatiən pəhriən.

?Təmətei nauəuə u o nak? Nian nəgətun eiue mın kəutəhuva, Jon təni məmə nətəmimi nətəm kəutəhatətə e nəghatiən pəhriən rəha Uhgın, okotəkəikei motəhtipəsıg e nəgətun eiue mın əha, kəni motəpəh nolian mine nəgətuniən rəhalah, kəni məsotasiruiən e lah. Mətəu Jon tolkeikei

məmə nətəmimi rəha niməfaki okotəkeikei mo-
tolkeikei nətəmimi pəhriən rəha niməfaki. Inu
nəlpəkauian rəha Uhgın.

Nətuəuinian

¹ Nauəuə u rəha eldə tətuvən kəm pətan Uhgın
təmitəpın* mīne nenətin mīn. Nipəhriənian məmə
iəkolkeikei pık itəmah. Mətəu səniəmə iəu pisin
əmə iəkolkeikei itəmah, mətəu nətəmimi mīn rəfin
u nətəm kotəhrun mīn nipəhriənian,† kətolkeikei
itəmah.

² Kəni iəkətolkeikei itəmah, mətəu-inu o
nipəhriənian iətəm tətətig e nikitah‡ kəni otətig
itulin e nikitah.

³ Pəh Tatə Uhgın mīne Nətin Iesu Kristo okuəfinə
rəhalau nəuviriən, mīne nasəkəhruinian, mīne
nəməlinuian kəm tah nətəm kotohtəu=pən suaru
rəha nipəhriənian mīne nolkeikeian.

Kitah okotohtəupən nəghatian pəhriən mīn

⁴ Nīkik təmagiən asoli nian iəmeruh nenətim
mīn nəuvein, kəni meruh məmə kəutaliuək e suaru
rəha nipəhriənian,§ təhmen əmə məmə inu, Tatə
Uhgın təməni kəm tah məmə kotəkeikei motol.

⁵ Kəni rəueiu əha, nəuvinik, iəu iəsəteiən
nəghatian vi kəti kəm təmah, mətəu in əmə u
kīnotətəu rəkis e nətuəuinian.* Kəni iəkətapuəh
məmə okotol əmə nolkeikeian kəm tah mīn.

⁶ Kəni nolkeikeian u, nipətin u nolian nəuia
Uhgın. Kəni in tətəni məmə kitah okotəkeikei mo-
tohtəu=pən suaru rəha nolkeikeian, təhmen əmə
məmə inu nəmotətəu e nətuəuinian.

* **1:1** 1Pitə 5:13 † **1:1** Jon 8:32 ‡ **1:2** Jon 14:17 § **1:4** 3Jon

1:3,4 * **1:5** 1Jon 2:7

7 Mətəu-inu nəgətun eiuə mɪn tepət kəutan e nəhue niftəni.† Ilah kəsotəhatətəiən məmə Iesu in Krīsto iətəm Uhgɪn təməni məmə otahli=pa,‡ in təmuva iətəmimi pəhriən, e nɪpətɪn pəhriən.§* Iətəmimi tol lanəha in ieiua kəni in tɪkɪmɪr rəha Krīsto.†

8 Tol lanəha, autətəu itəmahl məmə nəsotəmkarəpəniən e nəua uək asoli rəhatah, pəh itəmahl onəkotos nətəouiən rəfin lan.‡

9 Nəmə iətəmi tətətu=pən aru əmə nəgətuniən kəti rəhan e nəgətuniən rəha Krīsto, kəni məsəkeikeiən e nəgətuniən rəha Krīsto,§ noliən rəhan tətəgətun məmə Uhgɪn təsatɪgɪən e nɪkɪn. Mətəu iətəmimi pəh iətəm tətətig əskasɪk e nəgətuniən rəha Krīsto, in tatos Tatə Uhgɪn mɪne Nətɪn ilau pəti e nɪkɪn.*

10 Nəmə iətəmi kəti tuva ohnik, kəni məsəniən nəgətuniən əhruahru rəha Krīsto, nəsitɪən in muvən imam ikɪn, məsəniən “təuvɪr” kəm in.†

11 Mətəu-inu iətəmi tətəni “təuvɪr” kəm in, tətəsɪru lan matol suaru o rəhan nəgətuniən tərəh.‡

Naunun nəghatiən

12 Iatos nəghatiən tepət məmə iəkətei kəm təmah, mətəu iəsolkəikeiən məmə iəkətei e nɪma nauəuə mɪne pen. Mətəu nɪkɪk tətəhti pɪk məmə iəkuva

† 1:7 1Jon 4:1 ‡ 1:7 1Jon 2:22; 4:2,3 § 1:7 Jon təməni tol lanu mətəu-inu nətəmimi nətəm kəməutohtəu=pən Nostisisɪm, nəgətuniən rəhalah tətəni məmə Iesu, rəhan nɪpətɪn pəhriən tɪkə, mətəu in narmɪn əmə, kəni in təmos narmɪ iətəmimi kəti. Mətəu nɪpəhriənɪən, nɪpətɪn əha ikɪn. Nɪpəhriənɪən, Iesu Krīsto in iətəmimi pəhriən, kəni in Uhgɪn pəhriən e nian kətɪəh əmə. * 1:7 Jon 1:14 † 1:7 1Jon 2:18 ‡ 1:8 1Kor 3:8; Hip 10:35,36; 11:26 § 1:9 Jon 8:31 * 1:9 1Jon 2:23 † 1:10 Rom 16:17 ‡ 1:11 1Tim 5:22

meruh itəmah kəni məghati əhruahru kəm təmah
e nəhmtitəmah, pəh nagianian rəhatah otəriauah. §

¹³ Nenəti piām* nətəm Uhgın təmitəpin, ilah
kəutəni təuvir kəm ik.

§ **1:12** Jon 3:29 * **1:13** Pia pətan əha in niməfaki kəti min, Jon in
tətətig ikin əha. Kəni nenəti pian u, ilah nimənin rəha niməfaki əha.

Nauəuə Asim Rəha Uhg̃in Nəmtət̃iən Vi
The New Testament in the Whitesands language of
Tanna Island, Vanuatu
Niutesteman long Nərak, lanwis blong Whitesands
Tanna, Vanuatu

Copyright © 2014 Wycliffe Bible Translators, Inc.

© Wycliffe Bible Translators, Inc.

Language: Whitesands

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 18 Apr 2025 from source files dated 31 Aug 2023

913a182a-255f-5344-b6b0-0294ba221e87